

靈寶无量度人上品妙經卷之五十一 宣一

消除疾疫保命延年品

道言昔於青元天中飛景真音大玉洲土受
元始度人消除疾疫保命延年無量上品元
始天尊當說是經周迴十過以召十方始當

詣座天真大神上聖高尊妙行真人無鞅數
衆乘空而來素雲飛霞瓊軒鳳蓋紫霄流霞
碧落騰光靈芒暎暎洞煥太无五日五夜諸
天宮室臺館靈關七色交耀璇璣停輪三辰
合照萬象咸寂地發嘉祥天現玉文法音遠

卷第十五第一

響洞徹諸天三界肅清四海澄靜一國地土
山川林木緬平一等無復高下土皆作碧玉
無有異色衆真侍座元始天尊懸坐空浮九
龍寶局之上說經一通諸天大聖同時稱善
是時一國男女仰聽法音玄悟仙真之道說
經二遍正性虛明說經三遍靈氣降身說經
四遍蕩除業累萬疾皆愈說經五遍六腑五
臟灌鍊生華說經六遍飛精變形金光易骨
說經七遍神妙備體常保完全說經八遍化
周三界恩及十方疫癘普消人民康樂說經

九遍幽冥昇天冥官息對說經十遍萬物遂
性逍遙太平是時一國是男是女莫不傾心
皆受護度咸得長生

道言是時元始天尊說經一遍東方無極無
量品皇老大神無鞅之衆浮空而至說經二
遍南方無極無量品太丹大神無鞅之衆浮
空而至說經三遍西方無極無量品月華大
神無鞅之衆浮空而至說經四遍北方無極
無量品靈光大神無鞅之衆浮空而至說經
五遍東北無極無量品帝暉大神無鞅之衆

浮空而至說經六遍東南無極無量品雲網
大神無鞅之衆浮空而至說經七遍西南無
極無量品伏魔大神無鞅之衆浮空而至說
經八遍西北無極無量品高清大神無鞅之
衆浮空而至說經九遍上方無極無量品冲
虛大神無鞅之衆浮空而至說經十遍下方
無極無量品洞元大神無鞅之衆浮空而至
十遍周竟十方無極消除疾疫保命延年至
真大神一時同至一國男女傾心歸仰始者
心有法病身遭邪疫三界之內一切群生無

靈寶度量人上品妙經

量天民或有身雖得道未脫冥數為陰陽五行六氣之所陶冶者各各思惟因緣所證得道果位法身真形應報種體三十六變出沒幽顯又有世間衆生曾為不善凌犯五方金木水火土官之考身累疾疫或愚氓暗陋不順天道不知生理五行尅伏凌勃騰負鬱怫萬變水疫則寒火疫則熱金疫則清燥土疫則喘汗木疫則澀慄疾疫流行鬼癘為害如是等衆十二類生成咸皆雲集市遠座下既聞元始十過宣說靈寶飛天玄妙大範三界十

方悉皆濟度飛仙列聖來者有如細雨密霧
於是元始神光八出普映十方遠覽萬天再
告天衆曰道非情言象先無偶近比人心倏
來忽往變化莫測混雜難量謂之心者非真
常也衆生昏愚積業重厚假心以知智緣智
以體神神凝而體道若不知真人修用之理
則心識鄙濁近連鬼道合以邪瀰之氣則為
疾為疫害其本年不全天壽能固氣於虛合
神於無心為神宇神宇靜則精正精正則形
完萬邪莫干疾疫不入身既無疾保命延年

輔以道念，栖泊自然。玉符金篆，服御雲霞。長生得道，列爲真人。是時十方天人，聞是語已，感歎稱慶。天光顯瑞，神寶揚輝。混元玄珠，并包九有。虛皇說經，都竟衆真。監度以授於我。當此之時，喜慶難言。法事粗悉，諸天復位。倏歛之間，寂無遺響。是時天人，過值經法，普得濟度。全其本年，無有中傷。傾土歸仰，咸行善心。不妄不貪，不僞不著。不執不非，不爲不見。不護不戒，言無華綺。口無惡聲，齊同慈愛。異骨成親，國安民豐。欣樂太平，經始出教。一國

以道預有至心宗奉禮敬皆得度世

道言元始天尊說經中所言並是諸天上帝

內名隱韻之音亦是魔王內諱百靈之隱名

也非世之常辭上聖已成真人通玄究微慈

念群彙陰營萬生使三氣明正五常順德消

除疾疫保命延年若疫毒一身疫遍世土正

心護氣積善累功則南極監簿韓司錄名攘

解禍尤宥過紀績能悉其章誦之十過諸天

遙唱萬帝設禮河海靜默山嶽藏雲日月吐

華列耀回精溫邪滅熾疾疫清平虎符金簡

紀錄功名鬼魔百毒斷種戮形天令順道正
氣流行三官執奏翼衛神兵捕鬼大理考校
檢程賞善除祲益靈駐真至學之士誦之十
過則五帝侍衛三界稽首魔精喪眼鬼祲滅
爽濟度疾疫絕而得生所以爾者學士穢氣
未消體未洞真以制十方威未制天政德可
伏御地祇束縛魔靈但却死而已不能更生
輕誦此章竊鬼傳殃供養尊禮門戶興隆世
世昌熾與善因緣萬災不干神官侍巾典省
天機獨步玉京度人無量為萬道之宗巍巍

大範德難可勝

道言凡誦是經十過諸天齊到億曾萬祖幽
冤苦爽皆即受度天機上生韓司易名格皆
九年受化更生得為貴人而好學至經功滿
德就皆得神仙飛昇金闕遊宴玉京也上學
之士修誦是經疾疫無干神閑氣真濁府散
開邪試無門丹火內鍊骨變延齡皆即受度
飛昇南宮世人受誦則延壽長年後皆得作
尸解之道冤神暫滅不經地獄即得返形遊
行太空此經微妙普度無窮一切天人莫不

受慶無量之福生死蒙惠上天所寶不傳下
世至士齋金寶效心盟天而傳輕泄漏慢殃
及九祖長役鬼官侍經五帝玉童玉女各二
十四人營衛神文保護受經者身

道言正月長齋誦詠是經消除青疫九夷老

氣尅害人身為上世亡冤斷地逮役度上南

極太微天機省中超化昇職七月長齋誦詠

是經消除白疫六戎老氣尅害人身身得神

仙諸天書名神霄玉府西華堂中金書青簡

削死上生十月長齋誦詠是經消除黑疫五

狄老氣尅害人身爲國土帝主安鎮國祚保
天長存世世不絕常爲人君安鎮其方民稱
太平八節之日誦詠是經安寧八景奮靈八
威辟却八邪永無百疫三田生珠諸節通理
血變瓊醴精鍊玉華得爲九宮真人本命之
日誦詠是經異氣不生疾疫無侵年命固永
鬼怪潛靈冤神澄正萬氣長存不經苦惱身
有光明三界侍衛五帝司迎秉政天樞雲騎
珠纓萬神朝禮參位太玄功滿德就飛昇上
清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐赤青黃三色雲
氣之中內外翳冥有青龍白虎朱雀玄武
獅子白鶴羅列左右六甲六丁伏魔大將
備衛前後日月照明洞煥室內項生圓象
光映十方如此分明密呪曰

無上玄元太上道君召出臣身中三五功曹

左右官使者侍香玉童傳言玉女五帝直符

直日香官各三十二人關啓所言今日吉慶

長齋清堂修行至經無量度人願所啓上徹

徑御

無上三十二天元始上帝至尊几前

引炁三十二過東向誦經

元始無量度人上品妙經

由一

六

元始洞玄靈寶本章消除疾疫保命延年無
量度人百魔隱韻離合自然太始無形召氣
成真氣出無緣泮虛凝玄玄爲氣母徊耀飛
烟玉液鍊光金精八騫玉京嵯峩碧落凝旋

三景轉赤九暈澄淵自成玉文無極至真三五九一是爲天根元始祖妙靈寶生神溫厚滋養堅澤剛輪開明三氣化生諸天玄黃混淪金火相乘變化陰陽正邪乃分正爲物宗守之長生邪爲疾疫禍害遷騰惟知道真可以全身五臟真氣結爲靈文無文不光無文不明無文不立無文不成無文不度無文不生上應圓羅天中之天鬱萃玄臺太皇玉京高極無上玄虛紫宸眇眇劫劫若亡若存三華離便泰清黃庭金闕玉堂景素神池流布

洞氣消滅萬殃清正瓊輪周迴十方中有度
人不死之神中有南極長生帝君中有消除
疾疫大神中有太微天機省主好生韓君文
人中有南上司命司錄文昌益算度厄保命
延年上真迴骸起死無量度人今日校錄諸

天臨軒

東方無極皇老神王長生大聖無量度人
南方無極太丹神王長生大聖無量度人
西方無極月華神王長生大聖無量度人
北方無極靈光神王長生大聖無量度人

靈寶度量人上品妙經

東北無極帝暉神王長生大聖無量度人
東南無極雲綱神王長生大聖無量度人
西南無極伏魔神王長生大聖無量度人
西北無極高清神王長生大聖無量度人
上方無極冲虛神王長生大聖無量度人

下方無極洞元神王長生大聖無量度人

十方至真飛天神王長生度世無量大神並
乘三景飛龍十華翠輦九鳳雲車流光玉輿
驂駕神虎辟非蒼甲之麟建召真之節耀空
靈幡前列六陽大將後從八史神兵九天飛

真遊空步虛五老啓途群仙翼轅億乘萬騎
浮空而來傾光迴駕監真度生玉宸保相南
極至靈上生監察金闕元君執籙把籍齊到
帝前隨所應度嚴校諸天內保至真建植功
緣仁恕忠孝不犯三官六洞無名過度冥關
宿疾普消疫災不干邪鬼破腦四目當前衆
聖降接保命延年普告三界無極神鄉泉臺
洞府北闕冥關六天雲營火刃鐵山列奏神
霄玉簡敷宣釋除疾疫穢禍凶愆上解祖考
億劫種親疾除黑簿落滅惡根不得沉淪拘

制鬼群虛皇詔命時刻昇遷北都寒庭檢會
神龜大魔保度升化朱宮死鬼受鍊隨運長
存生身受度劫劫無傾隨劫輪轉與天齊年
永度三塗五苦八難超凌三界道還上清上
清之天天帝玉真無色之境梵行

東方八天

留一

八

玉歌耀宗天

帝平羅景都

帝歷鳳昌天

帝真章紫洛

皇離正化天

帝瑤府宛鈞

齊命登華天

帝尹詵持明

江宵邁期天

帝覺逸景虛

球度蘭理天

帝杳寂司干

永生久臨天

帝越梵治行

樞落左玄天

帝承安止宮

南方八天

願極宗召天

帝嶽司枝靈

并道指願天

帝屢遠茲晞

太微機輔天

帝迴明庸康

召真訊智天

帝除膚究當

普信注玄天

帝問亨補宜

靈寶度量人上品妙經

龍光照生天
冲妙延常天
月諸慶號天
西方八天
壘化嬰如天
奧洞演于天
照幽洗翔天
秘俞極混天
影為窈空天
玄度意冥天

帝祈堂紀逢
帝轉英集輪
帝赤津良
帝並京樞光
帝樂宣無垠
帝磧疆延
帝總監真
帝初嗣百還
帝報朝何嵩

茲茅雲藏天

帝降籍司陽

冑重忻盧天

帝伯巫期將

北方八天

監明正化天

帝安途定方

太華上光天

帝祕師九祥

日貞攝園天

帝肇無辨

黃絡霞嶷天

帝支諦霜

朱涵溢今天

帝彭民踐區

印格制魔天

帝元真瀛

攝京回布天

帝斛亢禮淵

神倉放逐天

帝幽強字元

三十二天三十二帝諸天隱諱諸天隱名天
中空洞自然靈章諸天隱文天中之樞天中
之機天中之轄天中之輓天中大魔天中之
靈玉天金闕中有至神布氣度人福及萬生
九和十合變化上清無量之奧深不可詳數
落神真普度天人辟除毒禍禳解北辰犯忤
大殺南極元尊消除疾疫保命延年今日欣
慶受度歷關諸天請滅三惡斬絕地根飛度
五戶名列太玄魔王監舉無拘天門東斗消

疾西斗除愆北斗保命南斗延年中斗大魁
主領元官八十一神總監衆仙青帝蕩疫白
帝施教赤帝宣威黑帝開導黃帝中主萬神
從詔青天魔王身佩帝書赤天魔王飛行太
虛白天魔王萬惡潛誅黑天魔王統攝真符
黃天魔王布令玄都五帝大魔萬神之宗執
天大範總領鬼兵麾旂仗節遊觀太冥神化
無方與天同生上天度人嚴攝寒庭元王受
命普掃秋祥疾疫莫作正氣流行生民自牧
却滅禍殃命如山河福等昊蒼天師寶符玄

靈寶度量人上品妙經

靈大章龍文虎徽追召魁剛磨割鬼爽風火
無停千千截首萬萬剪形魔無干犯鬼無祇
精三官九都考察鬼營不得怠縱金馬驛呈
化周無窮符告萬靈上宮玄宰飛奏帝宸無
極高妙耀華洞清氣生芳澄天地備成神運
變化風火交騰精鍊九劫水躍龍門雲凝玉
堅天闕九關瓊觀寶樓萬神守垣九絕明耀
朱符召仙日揚九光月吹十霞五斗回車天
英繡蘭帝妃泝香玉真踞軒五老授職三官
迅駟保民無疆吉慶如山真元吐氣金馬當

前泛霄隱庭奏鐘舞律正道流行疾疫莫登
命曆益算壽年億千五方天使虎中龍官咸
領制券歸造真玄丹輝啓明運周自然元皇
大布靈寶玉篇赤書五符八威正文保安大
劫使氣飛行大梵包羅萬品施張元網布演
無極諸天輪轉無色周遍十方騰駕扶搖旋
歷經常消除疾疫五方之神天溫六傷却以
洞文災怪消除毒害絕源天機奏名玄軌交
纏二十五氣歸功上元八羅冥會合混玄玄
玄中太真天帝高皇泛景太霄吟引宸風金

靈寶度量人上品妙經

昌明秀消蕩妖凶豁落奮擊流響雲宮仙音
攝氣靈光返生太微御正上昇玉京邪癘殞
殄仙真列言三氣護生六府散烟千和萬合
自然成真真中有神長生大君正御南極掃
滅妖氛收除怪害五疫消平太一持火燒蕩
魔官司命膺策收伏群姦桃康命靈萬景合
廷執符把籙召命生根上遊上清出入黃庭
明堂之內絳闕之中保正玄丹三真道官中
理五府境域明通十轉回靈萬氣齊升升仙
鍊養無極度人上開八門飛天寶輪罪福禁

戒宿命因緣普受開度死冤生身身得受生
上聞諸天諸天之上各有生門中有空洞謠
歌之章魔王靈篇辭參高真

第一欲界消除疾疫飛空之音

秋群干正

肆毒分身

遊散八方

疾疫生民

水寒火熱

穢氣紛紛

進尸滅真

惑亂世人

韓司校錄

南極火鈴

炎烟赫衝

善惡速分

文昌帝省

九萬官君

符命下傳

風火無停

疾疫普消

壽樂康寧

生道既正

名奏天機

降集真氣

救災却非

玉津灌鍊

與身同飛

第二色界魔王保命延年之章

冠我碧藥

龍文虎書

帶劍朱綬

香靄雲衢

丹文玉璽

威鎮太虛

太上黃籍

五老天符

仙官注筆

布令元都

壽年無窮

大化安舒

疾疫不入

心有玄儲

虛皇垂教

萬惡皆驅

南昌火府

朱陵上官

洞陽火官

嚴駕九龍

寶珠顯妙

真文下敷

丹化凡骨

昇入帝居

笑爾阿人

詠此靈音

舉形變仙

上升天堂

第三無色界魔王升神造玄歌曰

剛風爲石

壘此重山

風澤堅凝

深藏帝闕

日月運行

流轉諸天

化君主令

有形悉頒

爾氣清空

爾形秀冲

邪疫無侵

湛然神宮

大經龍蟠

合交景雲

血化玉液

精鍊瓊輪

魔王虎冠

繡幟朱鞞

錄子正心

授子仙宮

雲層我我

黃霞碧波

授過冥曹

高仙玉仙

携手登翠都

笑歌入無何

此三界之上飛空之中魔王歌音音參洞章

誦之百遍名度南宮誦之千遍魔王保迎萬

雷一

一三

遍道備飛昇太空過度三界位登仙公有聞

靈音魔王敬形敕制地祇侍衛送迎板出地

戶五苦八難七祖昇遷永離鬼官寬度朱陵

受鍊更生是謂無量普度無窮有祕上天文

諸天共所崇泄慢墮地獄禍及七祖翁

道言此二章並是諸天上帝及至靈魔王隱
秘之音皆是大梵消除疾疫保命延年之言
非世上常辭言無韻麗曲無華宛故謂玄奧
難可尋詳上天所寶秘於玄都紫微上官依
玄科四萬劫一傳若有至人齋金寶質心依
舊格告盟十天然後而付焉

道言夫天運否終地道隔塞日月二星虧盈
凌犯氣行勃亂度數差忒大則為至聖神人
之休否小則為末學生民之疾傷時疫流染
方域生災同氣皆當齊心修齋六時行香十

靈寶度量人上品妙經

遍轉經福德立降消諸不祥無量之文普度
無窮

道言夫末學道淺或仙品未充運應滅度身
經太陰或疾疫為害保命無傾臨過之時同
學至人為其行香誦經十過以度屍形如法
覓神徑上南宮隨其學功計日而得更生轉
輪不惑便得神仙疾疫清寧人安道泰永保
天齡

道言夫天地運終星宿錯度日月失昏四時
失度陰陽不調則災氣自生疾疫為咎使國

界水旱兵革未平疫毒流行兆民死傷師友
契盟有致延染皆當修齋行香誦經夫齋戒
誦經功德甚重上消天災保鎮帝土下攘毒
害以度兆民生死受賴其福難勝故曰無量
普度天人

道言凡有是經古一能為天地帝主十四兆民行是功
德有災之日發心修齋燒香誦經十過皆諸
天記名萬神侍衛右別至人尅得為聖君金
闕之臣諸天記人功過毫分無失天中魔王
亦保舉爾身得道者乃當洞明至言也

諸天中大梵隱語無量音
道君撰

元始靈書中篇

東方八天

天相樞明 機省元同 中黃四司

玉韜上公 靈虛太玄 錫命真封

雲文祕紀 校績南韓 文妃錄品

簡昇紫垣 章號瓊韞 朱曜洪頒

護字達龍 府開命神 碧圓通照

萬道冥神

南方八天

感帝交仙

羽縹素烟

梵混自澄

洞魔駐筵

驛騰信馥

官師允騫

憫符昭濟

功念幽泉

利庇黎冲

進除果嚴

激思求邈

深贖浩田

無落由動

壁刻元綿

救澤苦涸

常應匪邊

由一

十五

西方八天

空含意摸

仙令伎宣

謹悟豈緘

孔雄假乾

遐函默祝

兵冑潛蕃

救章鏤究

成島俠連

變宥忽網

測粹武賢 諱愚祈昏 奏迷縛還
中帝赤懸 威劍蒼虬 識爽杏辨
斯質華聯

北方八天

王宸宰儀 洪蕩胡時 忽透象察

役曹橫旂 統按宥生 火迅車馳

駟典責文 嶽圍蒐疑 蒙乖亢正

敷式奚重 教檢斗剛 太一九個

矢慘丙注 符策按圍 目葵公馬

戮罰拉推

鬼渙長澤東 谷雲敞施南 赤圖震皇西

賊醜榮垂北

已上四句計一十六字消除疾疫朱

書服之吉

道言此諸天中大梵隱語無量之音後一十

六字治病去疫斷瘟密教其法秘重有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉洞真道備尅得遊行三界昇入金門此音無所不辟無所不攘無所不

度無所不成天真自然之音也故誦之致飛
天下觀上帝遙唱萬神朝禮三界侍軒群祇
束首鬼精自亡琳琅振響十方肅清河海靜
默山嶽吞烟萬靈振伏招集群仙天無氛穢
地無祲塵冥慧洞清大量玄玄也

留一

十六

元始无量度人上品妙經卷之五十一

十二第一十五卷
